

Sakspapir

Saksnr	Utvalg	Type	Dato
019/18	Formannskapet	PS	22.03.2018
	Kommunestyret	PS	

Saksbehandler	Arkiv	ArkivsakID
Asbjørn Nagell Toft	FA - L32	18/198

Nytt vegnamn i Austrheim kommune- Bergsvikmarka

Vedlegg:

Austrheim kommune – ei adressenamnsak – Bergsvikmarka – tilråding

NY SAK - Oppretting av ny veg - Bergsvikmarka

Framlegg til vedtak:

Formannskapet i Austrheim kommune tilrår at vegnamnformen på den nye vegen som går frå Lerøyvegen til det regulerte hyttefeltet i Bergsvik vert **Bergsvikmarka**. Grunngevinga for vedtaket er gjeve i saksutgreiinga. Vedtaket er heimla i lov om stadnamn §§ 5 og 6.

Formannskapet - 019/18 - 22.03.2018

FS - behandling:

Rådmannen sitt framlegg vart samrøystes tilrådd.

FS vedtak:

Formannskapet i Austrheim kommune tilrår at vegnamnformen på den nye vegen som går frå Lerøyvegen til det regulerte hyttefeltet i Bergsvik vert **Bergsvikmarka**. Grunngevinga for vedtaket er gjeve i saksutgreiinga. Vedtaket er heimla i lov om stadnamn §§ 5 og 6.

Saksopplysninger:

Austrheim kommune skal oppretta eit nytt vegnamn i Austrheim kommune. Dette er vegen inn til nytt hyttefelt i Bergsvik. Denne vegen går over gbnr 157/5 og gbnr. 157/6 som ligg i Bergsvika. Kommunen vedtek skrivemåten av offisiell adresse og av namn på tettstader, grender, kommunale gater, vegar, torg, bydeler, bustadfelt, anlegg o.l. Paragraf 5 i lov om stadnamn gjev denne heimelen.

Austrheim kommune har den 30.01.2018 sendt på høyring eit forslag om at vegnamnet på den nye vegen som går frå Lerøyvegen til det regulerte hyttefeltet i Bergsvik bør vera **Bergsvikmarka**.

Språkrådet ved Stadnamntenesta på Vestlandet som har fått denne til uttale synes dette er eit godt

stadnamn. Dei skriv i sin uttale datert den 22.02.2018 at:

-Så langt me kan sjå, er det tilrådeleg å nytta Bergsvikmarka som offisiell vegnamnform.

Den er undskriven av stadnamnkonsulentane Gunnstein Akselberg og Ole-Jørgen Johannessen. Namnekonsulentane skal gi rettleiing og råd om skrivemåten av stadnamn.



Hyttefeltet i Bergsvika

Alle Nordhordlandskommunane har og motteke e-post om namnforslaget Bergsvikmarka som offisiell vegnamsform, dette i tillegg til kartverket og språkrådet. Det er ikkje kome merknadar frå andre enn Språkrådet ved Stadnamntenesta på Vestlandet. Fristen for å koma med merknad var tre veker. Fristen gjekk ut i slutten av februar 2018.


Reguleringsplanen i dette området heiter **Hyttefelt H06 i-Bergsvik**, den vart godkjent av kommunestyret den 01.02.2012. Det er bygd ein del hytter her no.

Alle skriftformer på stadnamn som er endeleg fastsette, skal meldast til stadnamnregisteret av det organet som har gjort vedtaket, i dette tilfellet Austrheim kommune. Det er lov om stadnamn som tredde i kraft 01.07.1991 som styrer dette. Formålet med stadnamnlova er å ta vare på stadnamn som språklege kulturminne, gi dei ei skriftform som er praktisk, og som ikkje skyggjer for meningsinnhaldet i namnet, og medverke til kjennskap til og aktiv bruk av namna.

Vurdering:

Rådmannen synes det er naturleg at denne nye vegen til hyttefeltet i Bergsvik får eit eige offisielt stadnamn. Denne vegen har avkjørsel frå Lerøyvegen, og viss kommunen skulle gje hyttene her

adresse Lerøyvegen måtte kommunen omadressert alle eigedomane vidare utover Lerøyvegen. Det ville vorte arbeidskrevjande og sett på av mange som ein dårleg ressursbruk. Rådmannen meiner og at ein så lang køyreveg som dette med ein hovudveg på om lag 400 meter bør ha eige stadnamn. Rådmannen synes det er naturleg at vegnamnet vert Bergsvikmarka. Det er alt eit stadnamn som er teke i bruk av ein del folk om dette hytteområdet her. Rådmannen meiner at prosessen har vore god og i tråd med stadnamnlova sitt formål og verkeområde i § 1. Formålet med denne lova er å ta vare på stadnamn som språklege kulturminne, gi dei ei skriftform som er praktisk, og som ikkje skyggjer for meiningssinnhaldet i namnet, og medverke til kjennskap til og aktiv bruk av namna.



Kart over hytteområdet og vegen i Bergsvikmarka

Rådmannen synes det er positivt at Språkrådet ved Stadnamntenesta på Vestlandet synes at Bergsvikmarka bør vera offisiell vegnamnform på denne køyrevegen.

Rådmannen rår til at det offisielle vegnamnformen på den nye køyrevegen som går frå Lerøyvegen til det regulerde hyttefeltet i Bergsvik vert **Bergsvikmarka**.

Konklusjon:

Formannskapet i Austrheim kommune tilrår at den offisielle vegnamnformen på den nye køyrevegen som går frå Lerøyvegen til det regulerde hyttefeltet i Bergsvik vert **Bergsvikmarka**

